



REPUBLIKA E KOSOVËS
REPUBLIKA KOSOVA – REPUBLIC OF KOSOVO
KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL



Këshilli Gjyqësor i Kosovës,

Në mbështetje të nenit 108 të Kushtetutës së Republikës së Kosovës dhe nenit 7 pika 1.12, 1.17 dhe 1.24 të Ligjit Nr.06/L-055 për Këshillin Gjyqësor të Kosovës, në mbledhjen e mbajtur me datë 6 prill 2023,

Miraton:

RREGULLORE Nr. 03/2023
PËR NORMËN E PUNËS SË GJYQITARËVE

KAPITULLI I
DISPOZITAT E PËRGJITHSHME

Neni 1
Qëllimi

Kjo rregullore ka për qëllim të përcaktoj kriteret për normën e punës së gjyqtarëve të cilët punojnë në gjykatat e Republikës së Kosovës.

Neni 2
Fushëveprimi i normës së punës së gjyqtarëve

Norma e punës së gjyqtarëve përcaktohet në bazë të pikëve të arritura brenda një muaji dhe viti kalendarik, duke e përdorur një sistem të peshimit të lëndëve i cili bëhet në bazë të vlerësimit me pikë që i ndan në kategori dhe cakton pikë për secilën kategori të lëndëve.

Neni 3
Llogaritja e normës

1. Norma llogaritet duke u bazuar në sistemin e vlerësimit me pikë për secilën lëmi, përfshirë edhe llojin dhe natyrën e lëndëve. Pikët për secilën lëmi llogariten duke u bazuar në ndërlikueshmërinë

mesatare të një lëmie, përkatësisht natyrën e lëndëve dhe kohën mesatare të nevojshme për zgjidhjen e një lënde.

2. Gjyqtari, llogaritet që e ka plotësuar normën e punës mujore kur ka arritur njëqind (100) pikë, apo arritjen e normës vjetore kur ai ka arritur njëmijë e njëqind (1100) pikë, në sistemin e vlerësimit me pikë, duke u bazuar në vlerat e pikëve për lëminë/lëmitë, përkatësisht natyrën e ndryshme të lëndëve, përveç nëse ndryshe përcaktohet me këtë rregullore.

3. Në rast se një gjyqtar përfundon lëndë nga fusha që bien në kompetencë të një departamenti/divisioni tjetër, vlerësimi i normës së punës do të bëhet sipas ponetimit për departamentin/divisionin të cilit i takon lënda.

KAPITULLI II

NORMA E PUNËS NË GJYKATA DHE DEPARTAMENTE

Neni 4

Norma e punës së gjyqtarëve të Dhomës së Posaçme të Gjykatës Supreme në Shkallë të Dytë

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Dhomës së Posaçme në Shkallë të Dytë, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të Dhomës së Posaçme në shkallë të dytë, vlerësohen me pesë pikë pesë (5.5) pikë, përveç nëse ndryshe parashihet me këtë rregullore;
- 1.2. lëndët padi e listave të punëtorëve për secilin ankues, si dhe lëndët padi e listave të punëtorëve për paga, kontributet, lëndimet dhe borxhet, vlerësohen me një pikë pesë (1.5) pikë, por një lëndë pavarësisht numrit të ankuesve nuk mund të tejkaloj dhjetë (10) pikë;
- 1.3. lëndët që përfundojnë me vendim procedural, përfshirë edhe masat e sigurimit, vlerësohen me dy (2) pikë;
- 1.4. lëndët të cilat përfshijnë kontestet pronësore - vërtetimi i pronësisë, të drejtat banesore, paditë për të drejtat banesore, servitutet, parablerja, barra sendore, e drejta e ndërtimit, dorëzimi i pronës, evitimi i shqetësimit, kontestet në të cilat paraqitet kërkesa e ndërhyrësit kryesor dhe kontestet me kundërpadi me shqyrtim kryesor, vlerësohen me tetë (8) pikë.

Neni 5

Norma e punës së gjyqtarëve të Dhomës së Posaçme të Gjykatës Supreme në Shkallë të Parë

1. Norma e punës dhe vlerat përkatëse të pikëve për lëndët që shqyrtohen dhe zgjidhën në procedurë gjyqësore nga gjyqtarët e Dhomës së Posaçme në shkallë të parë, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të Dhomës së Posaçme në shkallë të parë, vlerësohen me pesë pikë pesë (5.5) pikë, përveç nëse ndryshe parashihet me këtë rregullore;
- 1.2. lëndët padi e listave të punëtorëve për secilin ankues, si dhe lëndët padi e listave të punëtorëve për paga, kontributet, lëndimet dhe borxhet, vlerësohen me një pikë pesë (1.5) pikë, por një lëndë pavarësisht numrit të ankuesve nuk mund të tejkaloj pesëmbëdhjetë (15) pikë;
- 1.3. lëndët që përfundojnë me vendim procedural, përfshirë edhe masat e sigurimit, vlerësohen me dy (2) pikë;
- 1.4. lëndët të cilat përfshijnë kontestet pronësore - vërtetimi i pronësisë, paditë për të drejtat banesore, servitutet, parablerja, barra sendore, e drejta e ndërtimit, dorëzimi i pronës, evitimi i shqetësimit, kontestet në të cilat paraqitet kërkesa e ndërhyrësit kryesor dhe kontestet me kundërpadi me shqyrtim kryesor, vlerësohen me tetë (8) pikë.

Neni 6

Norma e punës së gjyqtarëve në Gjykatën e Apelit – Departamenti Special

1. Norma e punës dhe vlerat përkatëse të pikëve për lëndët që shqyrtohen dhe zgjidhën në procedurë gjyqësore nga gjyqtarët e Gjykatës së Apelit – Departamenti Special, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me njëzetë e pesë (25) pikë, përveç nëse ndryshe parashihet me këtë rregullore;
- 1.2. lëndët që përfundojnë sipas ankesave ndaj aktgjykimeve me pranim të fajësisë dhe marrëveshje për pranim fajësie, vlerësohen me pesëmbëdhjetë (15) pikë;
- 1.3. lëndët që përfundojnë sipas ankesave ndaj aktvendimeve për hedhje të aktakuzës, si dhe lëndët e procedurës paraprake që përfundojnë me ndërrmarjen e veprimeve përkatësisht nxjerrjen e aktvendimeve, vlerësohen me katër (4) pikë;
- 1.4. lëndët të cilat përfundojnë sipas ankesave ndaj aktgjykimeve në të cilat numri i të akuzuarve është mbi pesë (5) persona ose nëse çështja penale ka përfunduar me hapjen e shqyrtimit gjyqësor, vlerësohen me tridhjetë e pesë (35) pikë.

2. Lëndët sipas paragrafit 1, nën paragrafi. 1.1, 1.2 dhe 1.4, vlerësohen me pikë vetëm për gjyqtarin referues, ndërsa nën paragrafi 1.3 vlerësohen me pikë vetëm për kryetarin e kolegjit.

3. Vlerësimi i normës së pikëve të realizuara në këtë departament bëhet për periudhën një (1) vjeçare, sipas pikëve të renditura si në paragrafin 1 të këtij neni, duke marrë parasysh ndjeshmërinë dhe kompleksitetin e lëndëve të cilat trajtohen në këtë departament.

Neni 7

Norma e punës së gjyqtarëve në Gjykatën e Apelit – Departamenti për Krime të Rënda

1. Norma e punës dhe vlerat përkatëse të pikëve për lëndët që shqyrtohen dhe zgjidhën në procedurë gjyqësore nga gjyqtarët e Gjykatës së Apelit - Departamenti për Krime të Rënda, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me pesëmbëdhjetë (15) pikë, përveç nëse ndryshe parashihet me këtë rregullore;
- 1.2. lëndët që përfundojnë sipas ankesave ndaj aktgjykimeve me pranim të fajësisë dhe marrëveshje për pranim të fajësisë, vlerësohen me dhjetë (10) pikë;
- 1.3. lëndët që përfundojnë sipas ankesave ndaj aktvendimeve për hedhje të aktakuzës, si dhe lëndët e procedurës paraprake që përfundojnë me ndërmarjen e veprimeve përkatësisht nxjerrjen e aktvendimeve vlerësohen me një pikë pesë (1.5) pikë;
- 1.4. lëndët të cilat përfundojnë sipas ankesave ndaj aktgjykimeve ku përfshijnë vepra penale keqpërdorimi i pozitës apo autoritetit zyrtar, kontrabandimi me migrant, dhunim, vrasje, vrasje e rëndë, trafikimi me njerëz, krimi i organizuar, terrorizmi, grabitja dhe vjedhja grabitqare, si dhe të gjitha lëndët në të cilat, numri i të akuzuarve është mbi pesë (5) persona ose nëse çështja penale ka përfunduar me hapjen e shqyrtimit gjyqësor vlerësohen me njëzetë (20) pikë.

2. Lëndët sipas paragrafit 1, nën paragrafit. 1.1, 1.2 dhe 1.4, vlerësohen me pikë vetëm për gjyqtarin referues, ndërsa nën paragrafi 1.3 vlerësohen me pikë vetëm për kryetarin e kolegjit.

3. Vlerësimi i normës së pikëve të realizuara në këtë departament bëhet për periudhën gjashtë (6) mujore, sipas pikëve të renditura si në paragrafin 1 të këtij neni, duke marrë parasysh ndjeshmërinë dhe kompleksitetin e lëndëve të cilat trajtohen në këtë departament.

Neni 8

Norma e punës së gjyqtarëve në Gjykatën e Apelit – Departamenti për të Mitur

1. Norma e punës dhe vlerat përkatëse të pikëve për lëndët që shqyrtohen dhe zgjidhën në procedurë gjyqësore nga gjyqtarët e Gjykatës së Apelit - Departamenti për të Mitur, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me dhjetë (10) pikë, përveç nëse ndryshe parashihet me këtë rregullore;
- 1.2. lëndët që përfundojnë sipas ankesave ndaj aktgjykimeve me pranim të fajësisë dhe marrëveshje për pranim të fajësisë, vlerësohen me pesë (5) pikë;
- 1.3. lëndët që përfundojnë sipas ankesave ndaj aktvendimeve për hedhje të aktakuzës përkatësisht të propozimit dhe lëndët e procedurës paraprake, përkatësisht përgatitore që përfundojnë me ndërrmarjen e veprimeve, përkatësisht nxjerrjen e aktvendimeve, vlerësohen me një pikë pesë (1.5) pikë;
- 1.4. lëndët të cilat përfundojnë sipas ankesave ndaj aktgjykimeve ku përfshijnë vepra penale kontrabandimi me migrant, dhunim, keqpërdorimi seksual i personave nën moshën gjashtëmbëdhjetë (16) vjecare, vrasje, vrasje e rëndë, trafikimi me njerëz, grabitja dhe vjedhja grabitqare, si dhe të gjitha lëndët në të cilat, numri i të akuzuarve, përkatësisht të miturve është mbi pesë (5) persona ose nëse çështja penale ka përfunduar me hapjen e shqyrtimit gjyqësor, vlerësohen me njëzetë (20) pikë.

2. Lëndët sipas paragrafit 1, nën paragrafit. 1.1, 1.2 dhe 1.4, vlerësohen me pikë vetëm për gjyqtarin referues, ndërsa nën paragrafi 1.3 vlerësohen me pikë vetëm për kryetarin e kolegjit.

3. Vlerësimi i normës së pikëve të realizuara në këtë departament bëhet për periudhën gjashtë (6) mujore, sipas pikëve të renditura si në paragrafin 1 të këtij neni, duke marrë parasysh ndjeshmërinë dhe kompleksitetin e lëndëve të cilat trajtohen në këtë departament.

Neni 9

Norma e punës së gjyqtarëve në Gjykatën e Apelit – Departamenti i Përgjithshëm – Divizioni Penal

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës së Apelit - Departamenti i Përgjithshëm – Divizioni Penal, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij divizioni, vlerësohen me nga pesë (5) pikë, përveç nëse ndryshe parashihet me këtë rregullore;
- 1.2. lëndët që përfundojnë sipas ankesave ndaj aktgjykimeve me pranim të fajësisë dhe marrëveshje për pranim të fajësisë, vlerësohen me tre (3) pikë;
- 1.3. lëndët që përfundojnë sipas ankesave ndaj aktvendimeve për hedhje të aktakuzës dhe lëndët e procedurës paraprake që përfundojnë me ndërrmarjen e veprimeve, përkatësisht nxjerrjen e aktvendimeve, vlerësohen me një (1) pikë;
- 1.4. lëndët të cilat përfundojnë sipas ankesave ndaj aktgjykimeve ku përfshijnë vepra penale lëndime të rënda trupore, vjedhje e rëndë, mashtrim, si dhe të gjitha lëndët në të cilat numri i të akuzuarve është mbi pesë (5) persona ose nëse çështja penale ka përfunduar me hapjen e shqyrtimit gjyqësor, vlerësohen me tetë (8) pikë.

2. Lëndët sipas paragrafit 1, nën paragrafit 1.1, 1.2 dhe 1.4, vlerësohen me pikë vetëm për gjyqtarin referues, ndërsa nën paragrafi 1.3 vlerësohet me pikë vetëm për kryetarin e kolegjit.

Neni 10

Norma e punës së gjyqtarëve në Gjykatën e Apelit – Departamenti i Përgjithshëm – Divizioni Civil

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës së Apelit - Departamenti i Përgjithshëm – Divizioni Civil përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij divizioni, vlerësohen me pesë (5) pikë, përveç nëse ndryshe parashihet me këtë rregullore;
- 1.2. lëndët përmbartimore, lëndët që përfundojnë me vendim procedural përfshirë dhe masat e sigurimit të kërkesave, pagat jubilarë, të përcjelljes në pension, shujtat dhe çështjet tjera të kësaj kategorie vlerësohen me dy (2) pikë;
- 1.3. lëndët nga procedura jo kontestimore vlerësohen me katër (4) pikë;
- 1.4. lëndët të cilat përfshijnë kontestet pronësore - vërtetimi i pronësisë, servitutet, parablerja, barra sendore, e drejta e ndërtimit, dorëzimi i pronës, evitimi i shqetësimit dhe pjesëtimi i pasurisë së përbashkët të bashkëshortëve, kontestet për fyerje dhe shpifje, kontestet në të cilat paraqitet kërkesa e ndërhyrësit kryesor dhe kontestet me kundërpadi me shqyrtim kryesor, vlerësohen me tetë (8) pikë.

Neni 11

Norma e punës së gjyqtarëve në Gjykatën e Apelit – Departamenti Administrativ

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës së Apelit - Departamenti Administrativ përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me katër pikë pesë (4.5) pikë, përveç nëse ndryshe parashihet me këtë rregullore;
- 1.2. lëndët përfshirë, kthimi në rishqyrtim dhe rivendosje, si dhe lëndët për shtyrje të ekzekutimit, vlerësohen me një pikë pesë (1.5) pikë;
- 1.3. lëndët që përfundojnë me vendim procedural përfshirë dhe masat e sigurimit të kërkesave, vlerësohen me dy (2) pikë;
- 1.4. lëndët të cilat përfshijnë anulim të kontratave administrative si dhe kompensim të dëmeve të kërkuara në kontrata, si dhe lëndët për leje të ndërtimit të cilat përfundojnë me hapje të shqyrtimit kryesor, vlerësohen me shtatë (7) pikë.

Neni 12

Norma e punës së gjyqtarëve në Gjykatën Komerciale – Dhomat e Shkallës së Dytë

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Komerciale – Dhomat e shkallës së dytë përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të Dhomës së shkallës së dytë vlerësohen me pesë pikë (5) pikë, përveç nëse ndryshe parashihet me këtë rregullore;
- 1.2. lëndët të cilat çështja është kthyer në rishqyrtim dhe rivendosije, vlerësohen me dy pikë pesë (2.5) pikë;
- 1.3. lëndët që përfundojnë me vendim procedural, përfshirë marrëveshjet e ndërmjetësimit, masat e sigurisë, lëndët për shtyrje të ekzekutimit dhe lëndët përmbarrimore vlerësohen me dy (2) pikë;
- 1.4. lëndët të cilat përfshijnë kontestet pronësore vërtetimi i pronësisë, dorëzimi i pronës, evitimi i shqetësimit, kontestet nga e drejta reale, servitutet, barra sendore, pronësia industriale, kërkesa për revokimin e lejeve dhe licencave të agjencive shtetërore, kontestet në të cilat paraqitet kërkesa e ndërhyrësit kryesor apo personit të interesuar dhe kontestet me kundërpadi me shqyrtim kryesor, kontestet për pronësinë e aksioneve, tërheqjen ose përjashtimin e aksionarit nga shoqëria, kontestet për shndërrimin e investimeve në shoqëri në aksione shtesë, kontratat për projektet investive duke përfshirë ndërtimin individual, kontratat për transaksionet ndërkombëtare, kontestet ndërmjet kompanive të aviacionit, lëndët për vlerësimin e ligjshmërisë dhe konstatimin e konkurrencës, keqpërdorimit ose monopolit dhe pozitës dominuese në treg, marrëveshjet monopole, shqyrtimi i ligjshmërisë së akteve të përgjithshme administrative të cilat vlerësohen me tetë (8) pikë, përjashtim bëjnë kontestet e riorganizimit, falimentimit dhe shuarjes së shoqërive tregtare vlerësohen me pesëmbëdhjetë (15) pikë.

Neni 13

Norma e punës së gjyqtarëve në Gjykatën e Apelit – Departamenti i Përgjithshëm – Divizioni i Kundërvajtjeve

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës së Apelit - Departamenti i Përgjithshëm – Divizioni i Kundërvajtjeve, përcaktohet me sa vijon:

- 1.1. lëndët të cilat janë në kompetencë të këtij departamenti, vlerësohen me dy pikë pesë (2.5) pikë.

Neni 14

Norma e punës së gjyqtarëve në Gjykatën Themelore – Departamenti Special

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Themelore – Departamenti Special përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti vlerësohen me dyzetë (40) pikë, përveç nëse ndryshe parashihet me këtë rregullore;
- 1.2. lëndët që përfundojnë me pranim të fajësisë dhe marrëveshje për pranim të fajësisë, vlerësohen me pesëmbëdhjetë (15) pikë;
- 1.3. lëndët që përfundojnë me aktvendim për hedhje të aktakuzës, si dhe lëndët e procedurës paraprake që përfundojnë me ndërmarjen e veprimeve, përkatësisht nxjerrjen e aktvendimeve vlerësohen me pesëmbëdhjetë (15) pikë;
- 1.4. lëndët në të cilat numri i të akuzuarëve është mbi pesë (5) persona për të cilat ka përfunduar procedura me shqyrtim gjyqësor vlerësohen me pesëdhjetë e pesë (5) pikë.

2. Lëndët sipas paragrafit 1, vlerësohen me pikë vetëm për kryetarin e trupit gjykues, përkatësisht për gjyqtarin e procedurës paraprake sipas paragrafit 1, nën paragrafit 1.3.

3. Vlerësimi i normës së pikëve të realizuara në këtë departament bëhet për periudhën një (1) vjetore sipas pikëve të rënditura si në paragrafin 1 të këtij neni, duke marrë parasysh ndjeshmërinë dhe kompleksitetin e lëndëve të cilat trajtohen në këtë departament.

4. Përjashtim nga vlerësimi i normës së punës për këtë departament paraqiten rastet kur ky departament propozon plan të hollësishëm vjetor për çështjet që planifikon t'i përfundoj, i cili plan do të miratohet nga Këshilli Gjyqësor i Kosovës pas konfirmimit paraprak nga kryetari i gjykatës.

5. Në rast se Departamenti Special i Gjykatës Themelore, nuk e realizon planin e miratuar nga Këshilli, atëherë vlerësimi i normës së punës së gjyqtarëve do të bëhet sipas paragrafit 1 të këtij neni.

Neni 15

Norma e punës së gjyqtarëve në Gjykatën Themelore- Departamenti për Krime të Rënda

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Themelore - Departamenti për Krime të Rënda, përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me tridhjetë (30) pikë, përveç nëse ndryshe parashihet me këtë rregullore;

- 1.2. lëndët që përfundojnë me pranim fajësie dhe marrëveshje për pranim fajësie, vlerësohen me dhjetë (10) pikë;
- 1.3. lëndët që përfundojnë me aktvendim për hedhje të aktakuzës, si dhe lëndët e procedurës paraprake që përfundojnë me ndërrmarjen e veprimeve, përkatësisht nxjerrjen e aktvendimeve vlerësohen me dhjetë (10) pikë;
- 1.4. lëndët të cilat përfshijnë vepra penale keqpërdorimi i pozitës apo autoritetit zyrtar, kontrabandimi me migrant, dhunim, vrasje, vrasje e rëndë, trafikimi me njerëz, krimi i organizuar, terrorizmi, grabitja dhe vjedhja grabitqare, si dhe të gjitha lëndët në të cilat numri i të akuzuarve është mbi pesë (5) persona për të cilat ka përfunduar procedura me shqyrtim gjyqësor, vlerësohen me dyzetë e pesë (45) pikë.

2. Lëndët sipas paragrafit 1, vlerësohen me pikë vetëm për kryetarin e trupit gjykues, përkatësisht për gjyqtarin e procedurës paraprake sipas paragrafit 1, nën paragrafit 1.3.

3. Vlerësimi i normës së pikëve të realizuara në këtë departament bëhet për periudhën gjashtë (6) mujore, sipas pikëve të rënditura si në paragrafin 1 të këtij neni, duke marrë parasysh ndjeshmërinë dhe kompleksitetin e lëndëve të cilat trajtohen në këtë departament.

Neni 16

Norma e punës së gjyqtarëve në Gjykatën Themelore – Departamenti për të Mitur

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Themelore - Departamenti për të Mitur përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me nga pesë pikë pesë (5.5) pikë, përveç nëse ndryshe parashihet me këtë rregullore;
- 1.2. lëndët që përfundojnë me pranim të fajësisë, marrëveshje për pranim të fajësisë, si dhe në procedurë të ndërmjetësimit, vlerësohen me katër (4) pikë;
- 1.3. lëndët që përfundojnë me aktvendim për hedhje të aktakuzës, përkatësisht propozimit, si dhe lëndët e procedurës paraprake, përkatësisht përgatitore që përfundojnë me ndërrmarjen e veprimeve, përkatësisht nxjerrjen e aktvendimeve, vlerësohen me tre (3) pikë;
- 1.4. lëndët të cilat përfshijnë vepra penale kontrabandimi me migrant, dhunim, keqpërdorimi seksual i personave nën moshën gjashtëmbëdhjetë (16) vjeçare, vrasje, vrasje e rëndë, trafikimi me njerëz, grabitja dhe vjedhja grabitqare, si dhe të gjitha lëndët në të cilat, numri i të akuzuarve, përkatësisht të miturve është mbi pesë (5) persona për të cilat ka përfunduar procedura me shqyrtim gjyqësor, vlerësohen me tridhjetë (30) pikë.

2. Lëndët sipas paragrafit 1, vlerësohen me pikë vetëm për kryetarin e trupit gjykues për të mitur, gjyqtarin për të mitur, përkatësisht gjyqtarin e procedurës paraprake sipas paragrafit 1, nën paragrafi 1.3.

3. Vlerësimi i normës së pikëve të realizuara në këtë departament bëhet për periudhën gjashtë (6) mujore, sipas pikëve të rënditura si në paragrafin 1 të këtij neni, duke marrë parasysh ndjeshmërinë dhe kompleksitetin e lëndëve të cilat trajtohen në këtë departament.

Neni 17

Norma e punës së gjyqtarëve në Gjykatën Themelore- Departamenti i Përgjithshëm – Divizioni Penal

1. Norma e punës dhe vlerat përkatëse të pikëve për lëndët që shqyrtohen dhe zgjedhen në procedurë gjyqësore nga gjyqtarët e Gjykatës Themelore - Departamenti i Përgjithshëm – Divizioni Penal përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij divizioni, vlerësohen me pesë pikë pesë (5.5) pikë, përveç nëse ndryshe parashihet me këtë rregullore;
- 1.2. lëndët që përfundojnë me pranim të fajësisë, marrëveshje për pranim të fajësisë, si dhe në procedurë të ndërmjetësimit, vlerësohen me katër pikë (4) pikë;
- 1.3. lëndët që përfundojnë me aktvendim për hedhje të aktakuzës, urdhër ndëshkimor, si dhe lëndët e procedurës paraprake që përfundojnë me ndërrmarjen e veprimeve, përkatësisht nxjerrjen e aktvendimeve, vlerësohen me tre pikë pesë (3.5) pikë;
- 1.4. lëndët të cilat përfshijnë vepra penale lëndime të rënda trupore, vjedhje e rëndë, mashtrim, si dhe të gjitha lëndët në të cilat numri i të akuzuarve është mbi pesë (5) persona për të cilat ka përfunduar procedura me shqyrtim gjyqësor, vlerësohen me pesëmbëdhjetë (15) pikë.

Neni 18

Norma e punës së gjyqtarëve në Gjykatën Themelore – Departamenti i Përgjithshëm – Divizioni Civil

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Themelore - Departamenti i Përgjithshëm – Divizioni Civil përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij divizioni, vlerësohen me pesë pikë pesë (5.5) pikë, përveç nëse ndryshe parashihet me këtë rregullore;
- 1.2. lëndët pagat jubilarë, të përcjelljes në pension, shujtat dhe çështjet tjera të kësaj kategorie, lëndët përmbartimore si dhe lëndët që përfundojnë me vendim procedural, përfshirë marrëveshjet e ndërmjetësimit si dhe masat e sigurimit të kërkesave, vlerësohen me dy (2) pikë;
- 1.3. lëndët nga procedura jo kontestimore, vlerësohen me katër (4) pikë;

- 1.4. lëndët të cilat përfshijnë kontestet pronësore vërtetimi i pronësisë, servitutet, parablerja, barra sendore, e drejta e ndërtimit, dorëzimi i pronës, evitimi i shqetësimit dhe pjesëtimi i pasurisë së përbashkët të bashkëshortëve, kontestet për fyerje dhe shpifje, kontestet në të cilat paraqitet kërkesa e ndërhyrësit kryesor dhe kontestet me kundërpadi me shqyrtim kryesor, vlerësohen me dymbëdhjetë (12) pikë.

Neni 19

Norma e punës së gjyqtarëve në Gjykatën Themelore- Departamenti Administrativ

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Themelore - Departamenti Administrativ përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të këtij departamenti, vlerësohen me pesë (5) pikë, përveç nëse ndryshe parashihet me këtë rregullore;
- 1.2. lëndët të cilat çështja është kthyer në rishqyrtim dhe rivendosje, si dhe lëndët për shtyrje të ekzekutimit, vlerësohen me dy pikë pesë (2.5) pikë;
- 1.3. lëndët që përfundojnë me vendime procedurale përfshirë masat e përkohshme, vlerësohen me dy (2) pikë;
- 1.4. lëndët të cilat përfshijnë, anulim të kontratave administrative dhe kompensim të dëmeve të kërkuara nga këto kontrata, si dhe lëndët për leje të ndërtimit, të cilat përfundojnë me shqyrtim kryesor, vlerësohen me dymbëdhjetë (12) pikë.

Neni 20

Norma e punës së gjyqtarëve në Gjykatën Komerciale- Dhomat e Shkallës së Parë

1. Norma e punës dhe vlerat përkatëse të pikëve për lëndët që shqyrtohen dhe zgjidhen në procedurë gjyqësore nga gjyqtarët e Gjykatës Komerciale – Dhomat e shkallës së parë përcaktohet sipas kategorive të lëndëve me sa vijon:

- 1.1. lëndët të cilat janë në kompetencë të Dhomës së shkallës së parë, vlerësohen me pesë pikë pesë (5.5) pikë, përveç nëse ndryshe parashihet me këtë rregullore;
- 1.2. lëndët të cilat çështja është kthyer në rishqyrtim dhe rivendosje, vlerësohen me dy pikë pesë (2.5) pikë, përjashtim bëjnë lëndët në Departamentin Fiskal dhe Departamentin për Çështje Administrative, në të cilat gjykata ka nxjerrë ekspertizë dhe ka kthyer çështjen në rishqyrtim, të cilat vlerësohen me tre pikë pesë (3.5) pikë;
- 1.3. lëndët që përfundojnë me vendim procedural, përfshirë marrëveshjet e ndërmjetësimit, masat e sigurisë, lëndët për shtyrje të ekzekutimit dhe lëndët përmbartimore vlerësohen me dy pikë (2) pikë;
- 1.4. lëndët të cilat përfshijnë kontestet pronësore vërtetimi i pronësisë, dorëzimi i pronës, evitimi i shqetësimit, kontestet nga e drejta reale servitutet, barra sendore, pronësia industriale, kërkesa për revokimin e lejeve dhe licencave të agjencive shtetërore,

kontestet në të cilat paraqitet kërkesa e ndërhyrësit kryesor apo personit të interesuar dhe kontestet me kundërpadi me shqyrtim kryesor, kontestet për pronësinë e aksioneve, tërheqjen ose përjashtimin e aksionarit nga shoqëria, kontestet për shndërrimin e investimeve në shoqëri në aksione shtesë, kontratat për projektet investive duke përjashtuar ndërtimin individual, kontratat për transaksionet ndërkombëtare, kontestet ndërmjet kompanive të aviacionit, lëndët për vlerësimin e ligjshmërisë dhe konstatimin e konkurrencës, keqpërdorimit ose monopolit dhe pozitës dominuese në treg, marrëveshjet monopole, shqyrtimi i ligjshmërisë së akteve të përgjithshme administrative të cilat vlerësohen me dymbëdhjetë (12) pikë, përjashtimisht kontestet e riorganizimit, falimentimit dhe shuarjes së shoqërive tregtare, vlerësohen me tridhjetë (30) pikë.

Neni 21

Norma e punës së gjyqtarëve në Gjykatën Themelore-Departamenti i Përgjithshëm- Divizioni i Kundërvajtjeve

1. Norma e punës dhe vlerat përkatëse të pikëve për lëndët që shqyrtohen nga gjyqtarët e Gjykatës së Themelore - Departamenti i Përgjithshëm – Divizioni i Kundërvajtjeve, përcaktohet sipas kategorive të lëndëve me sa vijon:

1.1 lëndët të cilat janë në kompetencë të këtij departamenti, vlerësohen me një pikë pesë (1.5) pikë.

KAPITULLI III

ZBATIMI

Neni 22

Raportimi për zbatimin e normës së punës së gjyqtarëve

1. Kryetarët e gjykatave monitorojnë zbatimin e normës së punës së gjyqtarëve dhe raportojnë në Këshillin Gjyqësor të Kosovës, çdo tre (3) muaj përveç nëse ndryshe parashihet me këtë rregullore.
2. Kryetarët e gjykatave janë të detyruar që ta njoftojnë Këshillin Gjyqësor të Kosovës, për secilin gjyqtar që nuk arrin ta realizoj normën sipas kësaj rregullore.
3. Procedura dhe masat për mos realizimin e normës do të rregullohen me rregulloren përkatëse për vlerësimin e performancës së gjyqtarëve, përfshirë edhe rastet kur gjyqtari nuk ka lëndë për t'i trajtuar.

Neni 23

Zbatimi i normës në rast të pushimit vjetor dhe mjekësor

1. Pushimi vjetor është llogaritur në normën vjetore, të punës sipas kësaj rregullore, përkatësisht llogaritja e normës bëhet për njëmbëdhjetë (11) muaj.
2. Në rast të pushimit mjekësor si dhe pushimeve të tjera të parapara sipas legjislacionit në fuqi, shkalla e pritshme e plotësimit të normës mujore rregullohet duke e aplikuar përqindjen e ditëve të punës duke zbritur ditët për të cilat ka munguar në punë në muaj për njëqind (100) pikë.

Neni 24

Lëndët të cilat nuk përfshihen në llogaritjen e normës

Lëndët penale dhe tjera për të cilat nuk është ndërmarr ndonjë veprim në procedurën paraprake nuk përfshihen në llogaritjen e normës.

Neni 25

Kufizimet në zbatim të normës

1. Kryesuesi, zëvendës kryesuesi dhe anëtarët me orar të plotë në Këshillin Gjyqësor të Kosovës janë të liruar nga norma e punës gjatë mandatit të tyre në Këshill.
2. Dispozitat e kësaj rregullore nuk zbatohen për gjyqtarët e Gjykatës Supreme, sa i përket normës së punës.
3. Kryetari i Gjykatës së Apelit, Kryetari i Gjykatës Komerciale dhe kryetarët e gjykatave themelore janë të liruar nga norma e punës.
4. Kryetari i Komisionit Qëndror të Zgjedhjeve është i liruar nga norma e punës gjatë procesit të zgjedhjeve nacionale dhe zgjedhjeve lokale.
5. Norma e punës për gjyqtarët që janë anëtarë me orar jo të plotë në Këshillin Gjyqësor të Kosovës, llogaritet nëse të njëjtit kanë arritur katërdhjetë (40)% nga njëqind (100)%, të normës së përcaktuar me këtë rregullore, varësisht nga niveli i pozitës që mban gjyqtari, përveç nëse Këshilli vendos ndryshe.
6. Norma e punës së gjyqtarit mbikëqyrës të Dhomës së Posaçme llogaritet nëse i njëjti ka arritur pesëdhjetë (50)% nga njëqind (100)% të normës së përcaktuar me këtë rregullore.
7. Norma e punës së gjyqtarëve mbikëqyrës llogaritet nëse të njëjtit kanë arritur shtatëdhjetë (70)% nga njëqind (100)% të normës së përcaktuar me këtë rregullore.

Neni 26
Monitorimi i zbatimit të rregullorës

1. Monitorimin e zbatimit të kësaj rregullore, e bën Këshilli Gjyqësor i Kosovës përmes Komisionit për Vlerësimin e Performancës së gjyqtarëve dhe Komisionit për Administrimin e Gjykatave, të cilat mbështeten nga Njësia për Inspektim Gjyqësor.
2. Komisionet përkatëse sipas paragrafit 1 të këtij neni, i raportojnë Këshillit çdo tre (3) muaj, për rezultatet dhe vështirësitë për zbatimin e kësaj rregullore dhe varësisht prej monitorimit të bërë të dalin me rekomandime konkrete drejtuar Këshillit.

KAPITULLI IV
DISPOZITAT KALIMTARE DHE PËRFUNDIMTARE

Neni 27
Dispozitat shfuqizuese

Me hyrjen në fuqi të kësaj rregullore shfuqizohen të gjitha aktet e tjera të miratuara nga Këshilli që rregullojnë këtë çështje.

Neni 28
Hyrja në fuqi

Kjo rregullore hyn në fuqi në ditën e miratimit nga Këshilli Gjyqësor i Kosovës.


Albert Zogaj
Albert Zogaj
Kryesues i Këshillit Gjyqësor të Kosovës
Datë: 07.09.2023